

MINISTER VROLIJK KIER PAPIA CU ANTIYAS PA SOLUCIONA E PROBLEMA DI RETRASO DI AVION CU CURAÇAO TA CAUSA

ORANJESTAD(AAN) -- Manera DIARIO a publica, Minister Willem Vrolijk ta buscando contacto cu Minister di Trafico y Comunicacion di Antiyas, sr. Adrieans pa asina busca un solucion di inmediato pa e problema cu ta surgi na toren di control di Curaçao cu ta pone cu un cantidad di avion ta haya retraso na Aruba.

Durante un conferencia di prensa ayeramainta, e mandatario a confirma cu diamars

durante henter dia e tabata busca contacto cu Minister Andrieans pa mira si por haya un solucion.

E mandatario a muestra cu diferente compania di aviacion a expresa nan mal contento cu e desaroyo caminda nan avion mester keda warda basta rato promer cu e ta haya aprobacion pa haci vuelo. Esaki ta causa retraso den e schedule di vuelo cu ta perhudicando e companianan di aviacion.

Minister Vrolijk, kende tabata acompaña pa su consehero sr. Narciso Pietersz y sr. Kelly di Departamento di Aviacion Civil, a reacciona riba declara di Minister Adrieans den un medio di comunicacion.

Minister Vrolijk a desmenti categoricamente cu Departamento di Aviacion di Curaçao mester a duna esun di Aruba conseho. Tambe el a desmenti cu Departamento di Aviacion Civil ta deficiente.

Minister Vrolijk a splica cu

Aruba actualmente ta sobresali den Caribe como e aeropuerto cu e equiponan mas sofisticada y adelanta. El a muestra cu na 1996 a ofrece Curaçao e servicio y por haya tur informacion di e radar di Aruba door di un sistema di "hook up". Curaçao pa un motibo of otro no tabata muestra interesa y awor nan ta confrontando problema door cu nan no tin radar y asina no por atende un cantidad di avion na e mesun momento.

Minister Vrolijk ta consid-

era e asunto aki di urgencia y kier papia mas pronto posibel cu minister Adrieans pa yega na un solucion. El a bisa cu for di e documentonan cu el a haya por saca afor cu minister Adrieans ta dispuesto pa papia riba e servicio di radar di Aruba ya cu te ainda Curaçao no a haya esun di dje y esaki lo por bay dura un tempo ainda. E mandatario di Aruba a bisa cu mientras cu no yega na un solucion, lo sigui confronta problema na aeropuerto.

Bomberonan no sa mes cu ladron a drenta nan kazerne

ORANJESTAD (AAN): Figurabo ladron a drenta y horta hasta den edificio di Bombero. Pa colmo sin cu ningun hende a holer, e accion di ladron durante nan presencia riba tereno di e kazerne aki a cay como sorpresa.

Segun e version cu ladron a kibra drenta via di bentana, y unda e supuesto camber di comando ta, no a bay cu nada. Ladron a continua cu nan hazaña y den un otro despacho si un cuadro a desaparece. Hasta den garage ladron a logra di penetra y a pasa man pa un equipo di emergencia. Riba dje tambe un mashin di refresco a come poco schop na man di ladron(nan).

Tin sospecho cu e bishitantenan indesea a penetra riba tereno di bombero entre mei anochi pa 8'or di mainta. E momento a yega pa laga instala sistema di seguridad ya cu tin riba tereno di bombero

Buraconan traicionero den Sero Colorado

ORANJESTAD (AAN): Di antemano, habitantenan di Sero Colorado ta gradici DOW pa nan bay pasa y check e buraconan den caminda cu tin na Sero Colorado.

Especialmente e area prome cu bo yega na e "Post di Polis". E buraconan aki ta 'traicionero' den sentido cu nan ta hundo y ta dañá bo auto. Habitantenan ta spera cu Wegendienst lo pasa check e asunto.

unidadnan cu ta costa den milyones di Florin. No por laga esaki nan pa nan cuenta sin tin vigilancia estricto riba nan.

E unidadnan di bombero mester den forma optima cu na cualkier momento e mester sali pa duna asistencia. Si ladron por drenta y bay cu equipo di emergencia e ta uno serio.

SEIS PUPPY RESCATA DI LADRON

Dos detencion a cay!

ORANJESTAD (AAN): Relaciona cu desaparicion di 6 cacho puppy's, Recherche despues di compila informe a logra pone man riba dos joven.

Poco dia pasa habitante di Savaneta a entrega denuncia

na Recherche cu persona (nan) desconoci a horta 6 yiu di cacho. Ta trata aki di cachonan di raza Rotweiler.

E cachonan aki tabata tin solamente 7 siman naci. Investigacion tabata tin su frutanan ya cu a pone man riba

dos joven. Nan edad ta varia di 16 pa 19 aña. Parce Apparently cu e puppy's mes lo a redanan dor di yora formalmente esaki lo a worde scucha y a start un investigacion cual finalmente a yega na e sospechosonan.

CARNAVAL PA SORDO MUDO!!

